



**P R A V I L N I K  
O IZMJENAMA I DOPUNAMA  
PRAVILNIKA O UNUTRAŠNJOJ ORGANIZACIJI OPĆINE NOVO SARAJEVO**

**Sarajevo, juli 2023. godine**

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 74. Zakona o državnoj službi u Kantonu Sarajevo („Službene novine Kantona Sarajevo“, br. 31/16 i 45/19), člana 7. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05 i 103/21), člana 34. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, br. 39/16 i 10/17) i člana 1. Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine Federacije BiH“ br. 69/05 i 29/06), člana 50. Statuta Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 - Ispravka) i člana 28. Odluke o organizaciji i djelokrugu poslova službi za upravu, stručnih i drugih službi Općine Novo Sarajevo („Službene novine Kantona Sarajevo“, broj 7/19), Općinski načelnik, donosi

**P R A V I L N I K  
O IZMJENAMA I DOPUNAMA  
PRAVILNIKA O UNUTRAŠNJOJ ORGANIZACIJI OPĆINE NOVO SARAJEVO**

**Član 1.**  
(Izmjena i dopuna člana 48.)

U Pravilniku o unutrašnjoj organizaciji Općine Novo Sarajevo br. 02-05-258/19 od 12. 6. 2019. godine; 01-04-3006/21 od 28. 4. 2021. godine; 01-04-3785/21 od 25. 5. 2021. godine; 01-04-10190/21 od 20. 12. 2021. godine i 01-02-1-331/23 od 19. 1. 2023. godine, u članu 48. u tački 11.:

- mijenja se naziv radnog mjesta i glasi: „Viši referent za stanje stambenog fonda“
- u koloni: „Uslovi za vršenje poslova“, riječi: „VŠS – VI stepen, I stepen građevinskog ili arhitektonskog fakulteta“, zamjenjuju se riječima: „SSS – IV stepen, građevinska ili arhitektonska škola“, i broj i riječi: „1 godina staža“, zamjenjuju se brojem i riječima: „10 mjeseci radnog staža“.
- u koloni: „Složenost poslova“, riječ: „Složeni“, zamjenjuje se riječima: „djelimično složeni“.
- u koloni: „Pozicija radnog mjesta“, briše se riječ: „samostalni“.

**Član 2.**  
(Dopuna člana 52.)

U članu 52. u tački 14., u nazivu radnog mjesta, iza riječi informacijama, dodaje se: „ – Službenik za informisanje“.

**Član 3.**  
(Stupanje na snagu)

Ovaj pravilnik stupa na snagu danom donošenja.

Broj: 11-02-1-5904/23  
Sarajevo, 18. 7. 2023. godine



## OBRAZLOŽENJE

### I PRAVNI OSNOV

Pravni osnov za donošenje ovog pravilnika sadržan je u:

- Zakonu o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09),
- Zakonu o državnoj službi u Kantonu Sarajevo („Službene novine Kantona Sarajevo“, br. 31/16 i 45/19),
- Zakonu o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05),
- Uredbi o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“ br. 39/16 i 10/17),
- Uredbi o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine Federacije BiH“ br. 69/05 i 29/06, u daljem tekstu: Uredba),
- Statutu Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 - Ispravka) i
- Odluci o organizaciji i djelokrugu poslova službi za upravu, stručnih i drugih službi Općine Novo Sarajevo („Službene novine Kantona Sarajevo“, broj 7/19).

### II RAZLOZI ZA DONOŠENJE I OBJAŠNJENJE ODABRANE POLITIKE

Općinski načelnik je donio Pravilnik o unutrašnjoj organizaciji Općine Novo Sarajevo broj: 02-05-258/19 od 12. 6. 2019. godine; broj: 01-04-3006/21 od 28. 4. 2021. godine; broj: 01-04-3785/21 od 25. 5. 2021. godine; broj: 01-04-10190/21 od 20. 12. 2021. godine i broj: 01-02-1-331/23 od 19. 1. 2023. godine. Tokom primjene navedenog pravilnika, ukazala se potreba za izmjenom i dopunom koje se odnose na radno mjesto u Službi za stambene i komunalne poslove i saobraćaj-Odsjek za stambene poslove, i to iz člana 48. tačka 11., u pogledu uslova za obavljanje poslova, te s tim u vezi posljedično i izmjena koje se odnose na naziv radnog mjesta, složenosti poslova i pozicije radnog mjesta, a sve u cilju usklađivanja sa propisom, te efikasnijeg i efektivnijeg obavljanja poslova u Općini Novo Sarajevo.

Naime, poslove radnog mjesta, koje je do sada obavljao Viši samostalni referent za stanje stambenog fonda, ovim izmjenama i dopunama vršio bi Viši referent za stanje stambenog fonda. Pravilnikom o unutrašnjoj organizaciji Općine Novo Sarajevo propisano je da poslovi tog radnog mjesta spadaju u gupu poslova: stručno-operativni, te su najvećim dijelom prepoznati u članu 6. stav 1. tačke 6) i 7) Uredbe. Shodno članu 6. stav 2. tačka 2) Uredbe, poslovi iz tačke 6) i 7) su djelimično složeni i vrše se na radnom mjestu – viši referent.

Takođe, izmjena Pravilnika se odnosi na radno mjesto Viši stručni saradnik za pristup informacijama, kojem je u skladu sa članom 19. Zakona o slobodi pristupa informacijama u Federaciji Bosne i Hercegovine („Službene novine Federacije BiH“, br. 32/01 i 48/11), u nazivu radnog mjesta dodato: „-Službenik za informisanje“.

### III PROVEDBENI MEHANIZMI I NAČIN OSIGURANJA POŠTIVANJA PROPISA

Provedba ovog pravilnika, odnosno zapošljavanje i raspoređivanje izvršioca na radna mjesta izvršit će se u skladu sa Zakonom o državnoj službi u Kantonu Sarajevo („Službene novine Kantona Sarajevo“, br. 31/16 i 45/19) i Zakonom o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05 i 103/21).

### IV OPIS KONSULTACIJA VOĐENIH U PROCESU IZRADE PROPISA

Na osnovu sastanaka vođenih u prethodnom periodu na kojima su obavljene konsultacije u vezi sa primjenom važećeg pravilnika i ukazanim potrebama, odlučeno je da se izvrši usklađivanje člana 48. tačka 11. Pravilnika o unutrašnjoj organizaciji Općine Novo Sarajevo i člana 6. Uredbe, te člana 52. tačka 14. Pravilnika sa odredbama Zakona o slobodi pristupa informacijama u Federaciji Bosne i Hercegovine, a sve u cilju efikasnijeg i efektivnijeg obavljanja poslova u Općini Novo Sarajevo. Sindikalni odbor Općine Novo Sarajevo je aktom broj: 01-11/23 od 18. 7. 2023. godine dao pozitivno mišljenje na Nacrt Pravilnika o izmjenama i dopunama Pravilnika o unutrašnjoj organizaciji Općine Novo Sarajevo.

### V PROCJENA EKONOMSKE OPRAVDANOSTI DONOŠENJA PROPISA

Nije utvrđen ekonomski uticaj Pravilnika.

### VI OBRAZLOŽENJE FINANSIJSKIH SREDSTAVA ZA PROVOĐENJE PROPISA I FINANSIJSKE EFEKTE PROPISA

Za provođenje ovog pravilnika, u Budžetu Općine Novo Sarajevo se obezbjeđuju finansijska sredstva.

OPĆINSKI NAČELNIK

Dr. Hasan Tanović